

## Universitätsbibliothek Paderborn

**Disputationes|| ROBERTI BELLAR-||MINI E SOCIATE  
IESV,|| DE CONTROVERSIIS CHRISTIANAE|| FIDEI,  
ADVERSVS HVIVS TEM-||poris Hæreticos,||**

Tribus Tomis comprehensæ.||

DE CONCILIIS, ET|| ECCLESIA MILITANTE,|| QVATVOR LIRBRIS||  
COMPREHENSA.||

**Bellarmino, Roberto Francesco Romolo <Heiliger>**

**Ingolstadii, [1599]**

**VD16 B 1607**

XVII. Soluuntur argume[n]ta, quibus aduersarij probant, pastores Ecclesiæ  
omnes simul errare posse.

[urn:nbn:de:hbz:466:1-53873](https://nbn-resolving.de/urn:nbn:de:hbz:466:1-53873)

## CAPUT XVII.

*Soluuntur argumenta, quibus aduersarij probant, pastores Ecclesiae omnes simul errare posse.*

**Q**UOD Ecclesia vel saltem omnes pastores Ecclesie simul errare possint, probat PRIMO, quia tempore Michæ, Prophetæ oës, qui erant CCCC. excepto Michæ, errauerunt, ut patet lib. 3. Reg. 22. & proinde Ecclesia, quæ illos sequebatur, ut debebat, decepta fuit. SECUNDO, Isaiæ 56. Speculatores eius caci omnes, nescirent Eniueristi, &c. TERTIO, in passione Domini summus Sacerdos cum omnibus sacerdotibus, & senioribus populi condemnauerunt Christum esse reum mortis. Marc. 14. & totus etiam populus a sacerdotibus seductus, clamauit ad Pilatum: Crucifice eum. Marc. 15. Eodem tempore Apostoli omnes fidem amiserunt; nam Dominus Marc. vlt. Exprobavit incredulitatem eorum, & duritatem cordis, &c. Et Matth. 26. ait: Omnes vos scandalum patiemini in me.

Adde, quod non desunt etiam Catholici, qui dicant in passione Domini non mansisse veram fidem, nisi in sanctissima Virgine Maria, idq; significari credunt una illa candela, que sola accensa conservatur, in triduo ante Pascha in officio nocturno. Ita Alexander Alensis 3. part. q. vlt. art. 2. & Ioannes de Turrecremata lib. 1. de Ecclesia, cap. 30. & lib. 3. cap. 61. Sed hæc satis leuia sunt, nec magno negotio refellentur.

Ad PRIMUM dico, illos CCCC. Prophetas manifestè fuisse Pseudoprophetas, neq; id ignorasse, vel ipsum Achab, qui eos consulerebat, nam ibidem cum diceret Rex Iosaphat: Non est hic alius Propheta Domini, per quæ interrogemus Domum? Respondit Achab: Remansit unus, sed ego odi eum, quia non prophetat mihi nisi malum. Certè si quis nunc in media Saxoniam consuleret CCCC. Ministros Lutheranos de fide iustificante, & postea unum Catholicum; non esset mirum, si major pars erraret. Et sicut nunc non sequitur totam Ecclesiam errare etiâsi errarent CCCC. Ministri Lutherani, quia præter Saxoniam, & vicina quædâ loca, sunt alia multa, ubi

272 Cap. XVII. De Ecclesia militante. Lib. III.

vera fides prædicatur; ita non sequitur omnes Doctores  
deorum tempore Achab errasse, etiam si errauerint CCCC  
Prophetæ, qui in Samaria erant. nam præter eos Prophetæ  
erant in Iudea multi alij Prophetæ, & (quod potissimum)  
erant sacerdotes in Hierusalem, quibus ex officio incumbe-  
bat respondere ad consulta de lege Domini.

Ad SECUNDVM dico, verba illa Prophetarū esse figu-  
ra, & ditigi quidem ad omnes, non tamen reuera intelij-  
debere de omnibus, sed de multis, ut supra diximus.

Ad TERTIVM dico, Sacerdotes, & Pontifices nō habent  
privilegium non errandi in docendo populo, nisi usque  
tempora Christi, Christo autem præsente & docente, pauci  
oberat illorum error. Immò hoc videtur prædictū per He-  
remiam, cap. 18. cùm ait: Peribit lex à sacerdote, verbum Pro-  
pheta, consilium à sapiente. Qua nūis propter honori  
cerdotij Deus prouidit, vt sententia Pontificis Caiphae  
liquo sensu, licet à Caipha non intento, esset vera & iusta.  
Nam Ioan. II. dicitur, quia erat Pontifex anni illius, propo-  
tauit; de qua re plura diximus in lib. 2. de Conciliis.

*Scripsit Caipha*  
Quod ad populum attinet, qui clamauit: Crucifige, dic-  
eum populum non fuisse omnes Iudeos, sed aliquos tan-  
tum, & forte minorem partem; nam in ipsa vrbe Hierusalem  
erat Nicodemus, & Ioseph ab Arimathia, & multis alij qui  
bus id displicebat, & extra Hierusalē in tota reliqua Iudea  
& in toto orbe terrarum erant plutimi Iudei dispersi, qui  
hil sciebant de morte Christi, & proinde in vera fide, & re-  
gione permanebant.

Ad illud de Apostolis dico, PRIMVM Apostolostunc au-  
fuisse Episcopos nisi designatos, vt patet, sed solūm pat-  
Ecclesiæ materiales, quæ errare possunt, neque in eis solū  
Ecclesia consistebat; nam status Ecclesiæ Christianæ cu-  
obligatione ad ingrediendum in eam incepit in die Pen-  
costes, quando peractis omnibus mysteriis redemptio-  
cœperunt Apostoli in Hierusalem publicè promulgare  
Christi, & Baptisma. Itaque etiamsi Apostoli omnes tem-  
pore passionis Christi errassent circa fidem, nihil obscurer-  
et error Ecclesiæ vniuersali.

Dico SECUNDO, non esse probabile quod Apostoli  
dem amiserint; nam non leguntur reprehensi, nisi de fide  
sunt.

surrectionis, illam autem nō potuerunt amittere, cūm eam non habuerint nisi postquam Dominus resurrexit, & si enim antea Christus sēpe illis prædicauerat se resurrectum, tamen ipsi putauerant eum loqui figuratè, & non intellexerant, neque crediderant. Siquidem Lucæ 18. cūm dixisset Dominus: *Occidet eum, & tercia die resurget.* Subiungit Lucas: *Et ipsi nihil horum intellexerunt, et erat verbum istud absconditum ab eis, & non intelligebant, quæ dicebantur.* Et Ioan. 20. legimus Petrum & Ioannem, auditos à Magdalena sublatum esse corpus Domini de monumento, mox cūcurrisse ad monumentum, & visis linteaminibus & sudario credidisse, nimirum Christi corpus fuisse ab aliquo sublatum: *Nam, inquit Ioan. nondum sciebant scripturas, quia obporteret cum a mortuis resurgere;* id est, ideo crediderunt ab aliquo sublatum, quia non sciebant eum debuisse resurgere. P R A E T E R E A Luc. 22. dictum est Petro: *Rogavi pro te ut non deficiat fides tua.* Quomodo igitur credibile erit eadem nocte fidem Petri defecisse, ita ut non saltem in corde eius remaneret; nam quod in ore non permanserit certum est. D E N I Q U E , Maria Magdalena summa caritate flagrabat in illo triduo, vt patet ex Ioan. 19. & 20. at sine fide non potest esse caritas, ergo non amiserat Magdalena fidem in Christum, quam antè habuerat, ergo non in sola B. Virginis fides permanuit.

Quod autē dicitur Marci vlt. *Exprobavit incredulitatem;* non significat eos amisisse fidem quam habuerant, sed tardos fuisse ad credendum, quod nondum crediderant, quod quidem aliquod peccatum fuit, sed nō propriè infidelitatis. illud vero Matt. 26. *Omnes vos scandalum patiemini in me, in nocte ista,* significat peccatum, quod cōmisserunt Apostoli fugiendo, & nimis timendo, & vacillando, etiam circa fidē, ex occasione Dominicæ passionis; nec enim omnis vacillatio est infidelitas, sed solum vacillatio deliberata.

Miror autem Ioannem de Turrectemata, qui propter argumentum leuissimum de candela, dicit esse contra fidem vniuersalis Ecclesiæ, asserere non in sola B. Virginie mansisse fidē in die passionis Domini. Nam Rupettus lib. 5. de diuin. offic. cap. 26. dicit ultimam candelam tempore suo consueuisse etiā extingui. & addit cap. 28. illis tribus noctibus post

omnia lumina extincta, iterum postea ex lapide nouum igne accendi solitum; & quidem per omnia lumina, quae paulatim extinguebantur, significari Prophetas, quos diversis culis Iudei occiderunt, & illos occidentes sibi ipsis tenebras mentis faciebant; per ultimam vero significari Christum quem cum occiderunt, sibi ipsis tenebras densissimas pererunt; per nouum autem lumen, quod singulis illis tribus noctibus ex lapide excutiebatur, significari nouum lumen Christianorum, quod ex lapide Christo a Iudeis percussis mentibus nostris ortum est.

Quod si neglecta consuetudine, antiquae Ecclesiae viciant in eo vsu, qui nunc est, ultimam candelam non extinguendi: potest cum Abulensi responderi quæ si. 14. prologus Matthæum, per illam candelam significari beatam Virginem in qua sola, ut piè creditur, fuit in illo triduo fides expia resurrectionis. Ex quo tamen non sequitur in aliis sufficere, vel infidelitatem, quia non tenebant credentes plicitè resurrectionem, nisi post legitimam eius promulgationem, & probationem; & præsertim illi, qui aberant à Hierusalem, & nihil de Christo audierunt, & sanè videtur periculosum dicere in sola Virgine mansisse veram fidem; tum quia Ecclesia periiisset, non enim una persona potest dici Ecclesia, cum Ecclesia sit populus & regnum Dei; tum etiam quia tunc illi qui aberant à Hierusalem, & usque ad illum tempus habuerant veram fidem, mox illam amisissent sine sua culpa.



LIB